

ները հոռոճական նահանգին շատ մօտ էին ապրում, բիւզանդական կայսրները ձգտում էին նրանց կուլ տալ, բայց նոյն իսկ Բագրատունիների օրով եւ սրանից էլ յետոյ Տայեցիները միշտ պահպանեցին Իրանի կարգն ու սարքը եւ դարեր յետոյ ընկճուած նախարարների սերունդն ընդունեց Իսլամն ու նրա աշարի (10 օ/օ), տասանորդական օրէնքը, որպէս զի դիրքն ու հասոյթը չբարձրցնէ :

Ճորոխի իշխանները չէին համոզուում, որ երկրի գերիշխանութիւնը արքայից-արքային յանձնելուց յետոյ, իրենց նախկին կալուածատիրութիւնից զրկուել էին եւ գեղացին միմիայն տասանորդը սրանց փոխարէն տալու էր համապետական զանձարանին, որի մօտ դործաւոր եւ պաշտօնակատար էին դարձել այդ երբեմնի իշխանները : Հնումն երբ մի իշխան նուաճում էր դրացու կալուածները, ընկճուածին ամբողջ տոհմով կոտորում էր, տիրում էր հողին եւ երկրագործին : Աշխարհակալութեան ժամանակ միեւնոյն տեսարանն էր կազմում, միայն թէ աշխարհակալը ընկճուածին երբեմն սպանում էր, երբեմն էլ ներում, թողնում էր նուաճնուած երկրին կառավարիչ : Այս անգամ իշխանն այլեւս կալուածատէր չէր Ձրադաշտական կարգերով, այլ յաղթողի ծառան, գործակալը եւ երկրագործից որեւէ մաս, տուրք, բաժ ստանալու արտօնուած